

ENRICHI E MEIOURA SA LENGU

FICHO PEDAGOGICO DE LA RESSOURÇO EN LIGNO

I/ Pre-requeri de l'utilisaire :

Aquéu prougrame s'adrèisso à-n-un publi d'un bon nivèu que desiro d'avaloura si couneissènço. Pamens, d'aprenèire pas tant avança lou poudran aprouficha pèr meioura sa pratico. Lou tutejamen que fasèn servi dèu pas escalustra lou vesitaire car avian en tèsto, mai que mai, de farga uno eisino pèr la jouventuro.

II/ Arquiteituro dóu site :

De sequènci emé de tèmo precis particulié partejon lou prougrame. Dins cado sequènci, caupon cinc eisercece rejoun sèmpe segound lou meme ordre. A mesuro dóu debana dis eisercece, metèn à pousito de l'aprenèire soun avalouracioun chifrado. Pòu navega eisadamen demié li sequènci prepausado emé la poussibletat de ié tourna. Noutarés qu'es esta limita lou tèms de resoulucioun dis eisercece.

III/ Chausido di tèmo di sequènci :

Nosto pratico d'ensaignaire nous faguè pouncha d'ùni proublèmo de barbarisme frequènt que convèn de castiga. Soun recata dins aquelo proumiero tiero de tèmo d'estùdi :

- Imperatiéu negatiéu.
- Preterit.
- Sujountiéu imperfa.
- Querre e cerca.
- Partitiéu.

IV/ Pensamen pedagogi :

Avèn vougu farga un óutis moudèste d'autò-avalouracioun e d'autò-meioramen. Es acò que la prougressioun entre lis eisercece prevèi l'emplé de çò que vèn tout bèu just d'èstre repassa pèr tant de lou reinvesti e lou memourisa. En fin de sequènci, un esclairage teouri ramento li règlo essencialo de counèisse à l'entour dóu tèmo. Partèn toujours de l'ourau o pulèu de la recouneissènço auditivo indispensablo pèr mestreja la lengo. Ensajan de pas aplança l'aprenèire sus uno dificulta ; es ansin que poudra sèmpe óuteni la responso a la question que i'es pausado e countunia pièi sa prougressioun. L'aprenèire s'avisara alor de si manco en tout aguènt lou mejan de li tapa quatecant, basto que fague un esfors minimum. En tournant faire la sequènci, poudra avaloura sis aquist recènt à l'aflat dóu prougrame. En mai d'acò, avèn ensaja d'identifica claramen li tèmo studia. L'aprenèire saupra ansin toutjour çò qu'es en trin de travaia e prendra d'esperéu sis amiro dins soun endraiemen.

Counclusioun :

Auren pas ges la croio de counsidera `quéu pres-fa coumo coumplèt. Imperfèt qu'imperfèt, eisistis pamens e fisan à nòsti vesitaire lou siuen de lou prouva e de nous assabenta de si remarco e critico. Saran bèn-vengudo pèr lou desveloupa e l'espandi au service de la lengo nostro.

Pèr nous escriéure : loucamentrant02@hotmail.com